

ତୀମଥୁଙ୍କ ନିକଟକୁ ପାଠକଙ୍କ ପ୍ରଥମ ପତ୍ର ତିମତି ତାଣ୍ଡା ପାଠୁଲ ରାଠାମାନି ର. ଲମ୍ବର ଆକୁ ମୂଲୁ ହାତା

ମୂଲୁ ପତି ତିମତି ର ଲମ୍ବର ଆକୁ, ପାଣ୍ଡୁଆଡ଼ି ପାଠୁଲ ତାଣ୍ଡାଟି ତାନି ସୀସୁ ତିମତିକି ରାସ୍‌କି ଆହାମାନେ □ ଜୀସୁ ଜୀସୁ ଜାର୍ନାଆଡ଼ି ୨୧-୨୪ ବାର୍ଷୀ ତାମ୍ବୁ ର ଲମ୍ବର ତିମତି ରାସ୍‌କି ଆହାମାଣ୍ଡିନେ □ ଇଦି ପାଠୁଲତି ଜୀସୁ ରାନି ବେଲ୍ୟାତା ରାସ୍‌କି ଆହାମାଣ୍ଡିନେ □ ପାଠୁଲ ତିମତି ତଲେ ହାରେକା ଜାଟୁ ମାଚେସି, ଏଞ୍ଜାସି ହାରେକା ଦେବା ତିମତିକ୍ ମୀରଏସି ଇଞ୍ଜି ଇଞ୍ଜା ମାନେସି ପିଲିପି ୨:୨୨; ୧ତିମ ୧:୨, ୧:୧୮ □

ଇଦି ପାଠୁଲ ରାଠାମାନି ସାରିଗଟା ଆକୁ ବିତ୍ରାଟି କୁଲମିତି ପିସାନା ର ମାଣ୍ଡିକ୍ ଝେସିମାନେ □ ଅଡ଼େ ତାନିଗଟା ଆକୁ ତିମତି ରା ଲମ୍ବର ଆକୁ, ତିତସ, ଅଡ଼େ ପିଲିମନ □ ର ଲମ୍ବର ତିମତିତା କୁଲମିତି ହାରେକା ପ୍ରାତାନା କିନି ମେରାତି କାତା ୨:୧-୧୫, କୁଲମିତି କାଜା ଲକୁତି ଜଗେତି କାତା ୩:୧-୧୩ଅଡ଼େ ମିତି ଜାପ୍‌ନାରି କାତାତା ଜାଗ୍ରାତା କିନି କାତା ରାସ୍‌କି ଆହାମାନେ ୧:୩-୧୧; ୪:୧-୫; ୭:୨-୫ □ ପାଠୁଲ ତିମତିକ୍ ଏନକିହ୍ କୁଲମିତି ନେହ୍ ସାଲ୍‌ଝି କିନାସି ଆହାଲି ଜାପ୍‌ହି ମାଚେସି ଏ କାତା ରାସ୍‌କି ଆହାମାନେ □

ତିମତି ର ଲମ୍ବର ଆକୁତା ହାରେକା ପାଣ୍ଡା ପାଟୁୟା ମାନୁ, ଏଞ୍ଜି କୁଲମିତି ସାଲ୍‌ଝି କିନାରାକ୍ ନୀଞ୍ଜୁ ଝିଏତି କୁଲମିକାଣି ନେହ୍ କିକ୍ ଜାଡ଼ନୁ କିହାଲି ସାଢ଼େମି କିନୁ □

ପତିତା ମାନାୟି

୧ ପାଠୁଲ ତିମତିକ୍ ଜହରା କିହ୍ ମାଟ୍‌ନାୟି □ ୧:୧-୨

୨ ପାଠୁଲ ତିମତିକ୍ ମିତି ଜାପ୍‌ନାରି କାତାତା ଜାଗ୍ରାତା କିନାୟି □ ୧:୩-୧୧

- ୩ ପାଞ୍ଚଲ କ୍ରୀସ୍ତ ତାକି ଏଚେକା ନେହ୍ ତସାମାନେସି ଏଦାଆଁ
 ଝେସାନା ଆକୁତି ରାଢ଼ିନାୟି □ ୧:୧୨-୧୯
- ୪ ପାଞ୍ଚଲ ତିମତିକ୍ ପ୍ରାତାନାତି ପାଣାପାରୁ ଅଡ଼େ ସାଲୁଝି କିନାରି
 କାତା ଜାପ୍‌ହାମାନେସି □ ୨-୩
- ୫ ପାଞ୍ଚଲ ତିମତିକି ଏଚେକା ତାୟୁତି କାତା ଝେସାନା ଆକୁ
 ରାଢ଼ିନାଣି ରାପ୍‌ନାୟି □ ୪-୭

୧ ନାନୁ ପାଞ୍ଚଲ, ମା ଗେଲ୍‌ପାନି ମାହାପୁରୁ ଅଡ଼େ ବାର୍ସୁ ହୀନି କ୍ରୀସ୍ତ
 ଜୀସୁ ହୁକୁମି ତଲେ ପାଣୁଝି ଆହାମାନାତେର୍ଏ □

୨ *ନାମୁତା ନା ଦାମ୍‌ତି ଜୀଞ୍ଜୁତି ମୀରୁଏଣାତି ତିମତି; ଆବା
 ମାହାପୁରୁ ମା ପ୍ରୁ ଜୀସୁ କ୍ରୀସ୍ତ ତାଣାଟି ଜୀଞ୍ଜୁନନାୟି କାର୍ମାମେହ୍‌ନାୟି
 ଅଡ଼େ ହିଡ଼ି ନିଲେତାକି ଆୟାପେ □

ମିତି ଜାପ୍‌ନାରି ତାଣାଟି ଜାଗ୍ରାତା

୩ ନାନୁ ମାକିଦନିୟାତା ହାଜିମାତାଟି ମିଲେ ଝେସାମାଞ୍ଜାତି
 ଲେହେଁ, ନାନୁ ଏପିସିୟ ଗାଡ଼ାତା ଡ଼ୟାମୁ ଏମ୍‌ଆଁ ଏଚରଜାଣା
 ଲାଗେଏତି କାତା ଜାପ୍‌ହାମାନେରି ଏମ୍‌ାଟି ଏଞ୍ଜରାଇଁ କାହି କିମୁ,

୪ କହୁୟାଁ ଇଞ୍ଜା ରାଆଗାଟି ଆକୁ ଆବାୟାଁ ଦରକାଣି ଆହ୍‌ଆପେରି
 ଇଞ୍ଜାଁ ଏଞ୍ଜରାଇଁ ଝେହ୍‌ମୁ, ଏ ବାରେ ନାନୁ ତାକି ମାହାପୁରୁତି
 କାମାତାକି ଆଆନା ସାମା ବାଦିବାଦା କିଝିକିନେ □

୫ ସୁଦୁ ହିୟାଁ, ନେହ୍ ଅଣ୍‌ପୁ ଅଡ଼େ କୁରୁ ହିଲାଆ ନାମୁଟି
 ହରିମାନି ଜୀଞ୍ଜୁ ନନାଣି ଜାଗ୍ରାତା କିହାଲିତାକି ନାନୁ ଇ ହୁକୁମି
 ହୀହିମାଞ୍ଜାଇଁ □

୬ ଏଚରଜାଣା ଇ ବାରେ କାତାତି ବାଣା ଆହାନା ଉଜେଏତି କାତା
 ଆସାନା ଏଟକା ଜିରୁ ହାଜିମାନେରି;

୭ ଏଞ୍ଜାରି ମେରା ଜାପ୍‌ନାତମି ଇଞ୍ଜାଁ ଅଣ୍‌ପିନେରି, ସାମା ଏଞ୍ଜାରି
 ଏନାଆଁ ଝେହ୍‌ନେରି, ଅଡ଼େ ଏନାଆଁ ଜାଣ୍ଡେନାକ୍‌ମା ଜାପ୍‌ନେରି,
 ଏଦାଆଁ ତାମ୍‌ସୁ ତେଲ୍‌ହଅରି □

☆ ୧:୨ ୧:୨ କାମା ୧୭:୧

୮ ମାୟା ପୁଞ୍ଜାମାନମି; ମୋରାତି ନେହଁ କଁଁ ଲେନ୍ଦିସାରେ, ଏଦି ନେହେଁ □

୯ ସାମା ମୋରା ଦାମ୍ଭୁଗାଟି ଲକୁଡାକି କିଞ୍ଚିଆଆନା, ଜାହାରା ମନ, ଅଡ଼େ ମାନଞ୍ଚି ଆଆଗାଟାରି, ଦାମ୍ଭୁ ହିଲାଆ ଗାଟାରି, ଅଡ଼େ ପାପୁ ଗାଟାରି, ଲାଗେଏତାରି, ଦାମ୍ଭୁତି ନାମାଆଗାଟାରି, ତାଲି ତାଞ୍ଜିଇଁ ପାୟିନାରି, ଲକୁଣି ପାୟିନାରି,

୧୦ ଦାରି କିନାରି, ଆବା ଆବାୟାଁ ଦହ କିଞ୍ଚିଆନାରି, ଲକୁଣି ପାରନାରି, ମିତି ସାକି ହୀନାରି, ଅଡ଼େ ମିତି କାତାତାକି ପାରମାଣା କିନାରାକି, ଅଡ଼େ ଆମ୍ବାଆରି ନେହଁ ଜାପୁନାଣି, ତାକି ନିଜିନେରି, ଏଦାଆଁତାକି ମୋରା ମାନଞ୍ଚି ଆଆଗାଟାରାକି ହୀପୁକି ଆହାମାନେ,

୧୧ ଇଦି ନା ତାଣା ହେରପି ଆହାମାନାୟି ହାରେକା ନେହେଁ ମାହାପୁରୁତି ଗାଞ୍ଜୁରମିଗାଟି ନେହଁ କାବୁତି ଜାପୁନି ଲେହେଁ ଆନେ □

ମାହାପୁରୁତି କାର୍ମା ତାକି ଜହରା

୧୨ ନାଲେ କାମାତା ବାଡ଼ୁୟୁ ହୀହାମାଞ୍ଜାନି ମା ପ୍ରବୁ କ୍ରୀସୁ ଜୀସୁଇଁ ଜହରା କିହିମାଇଁ, ଏନାଆଁତାକି ଇତିହଁ ନାଲେ ଏଞ୍ଜାସି ମାନିଗାଟାଟି ଇଞ୍ଜିଁ ଅଣ୍ପାମା ସେବା କାମା ହେରପା ମାଞ୍ଜାନେସି □

୧୩ ☆ଆଡ଼ିଜିକେଏ ତଲି ନାନୁ ଜୀସୁଇଁ ନିୟା କିନାତେଏଁ, ତଣ୍ଡ ହୀନାତେଏଁ, ଅଡ଼େ ଲାଗେଏ କିନାତେଏଁ ମାତେଏଁ; ସାମା ନାନୁ ନାମା ହିଲାଆତାକି ବୁଦି ହିଲାଆଲେହେଁ ଏଦାଆଁ କିହିମାତେଏଁ ଇଞ୍ଜିଁ କାର୍ମା ବେଟାଆତେଏଁ;

୧୪ ଅଡ଼େ ମା ପ୍ରବୁତି କାର୍ମା କ୍ରୀସୁ ଜୀସୁ ତାଣାଟି ନାନୁ ଅଡ଼େ ଜୀଞ୍ଜୁ ନନି ତାଣାଟି ନାଲେତାକି ହାରେକା ଆୟାତେ □

୧୫ ପାପୁ ଗାଟାରାଇଁ ଗେଲପାଲିତାକି କ୍ରୀସୁ ଜୀସୁ ଦାରତିତା ଞ୍ଜାଡେସି, ଇ ବଲୁ ସାତା ଅଡ଼େ ବାରେଞ୍ଜାକି ଆବିନାୟି ଅଡ଼େ ନାମିନାୟି; ଏ ପାପୁ ଗାଟାରି ବିତ୍ରାଟି ନାନୁ ବାରେକିହାଁ କାଜା ପାପୁ ଗାଟାତେଏଁ

☆ ୧:୧୩ ୧:୧୩ କାମା ୮:୩; ୯:୪,୫

୧୭ ଆଡ଼ିଜିକେଏ ଆମିନି ଗାଗାରି ଖାହିମାନି ଦିନାତା କାଲାକାଲାତି ଜୀଝୁ ବେଟାଆହାଲି ଜୀସୁ କ୍ରୀସୁ ତାଣା ନାମିନେରି, ଏଝାରି ନକିତା ତସ୍ପି ଆହାଲି ନାନୁ ର କାଜା ପାପୁ ଗାଗାତେଏ, ନା ତାଣା ଏଝାସି ଏନିକି ତାନି କାଲେଏତି ଅର୍ହିନାଣି ତହ୍ନେସି ଏଦାଆଁତାକି ନାନୁ କାର୍ମା ବେଟା ଆଡେଏଁ □

୧୭ ଏଚେଲାଝା ନାସା ଆଆଗାଗାୟି ଇଞ୍ଜା ତଞ୍ଜାଆଆଗାଟି ରଣ୍ଡିଏ ମାହାପୁରୁ ଆମ୍ବାଆସି କାଲାକାଲାତି ରାଜା ଏଝାଣାକି ମାନି ଅଡେ ଗାଝୁରମି କାଲାକାଲା ତାକି ଆଡେ □ ଆମେନ୍ □

୧୮ ତିମତି, ନା ମୀରଏଣାତି, ନିଜେତାକି ତଲି ଝେସିମାଞ୍ଜାତି ଲେହେଁ ନାନୁ ନିଜେ ଇ ହୁକୁମି ହାହିମାଞ୍ଜାଇଁ, ଏନିକି ନାନୁ ଇ ବାରେ କାତାତଲେ ନେହଁ ଜୁଜୁ କିହାଲି ଆଡ଼ିଦି □

୧୯ ଦାମ୍ବୁ ଅଡେ ନାମୁ ନେହଁ ଅଣ୍ପୁ ଆହମ୍ବୁ; ଏଦାଆଁ ପିସା ମାନାକି ଏଚରଜାଣାତି ନାମୁ ଲେହେଁତି ଜାଜା ତାହା ହାଜାମାନେ,

୨୦ ଏଝାରି ବିତ୍ରାଟି ହୁମନାୟ, ଅଡେ ଆଲେକ୍‌ଜାଣ୍ଡାର ମାନେରି, ଏଦାଆଁତାକି ନାନୁ ଏଝାରାଇଁ ସୟତାନ କେୟୁତା ହେରପିତେଏ, ଏନିକି ଇ ରିଆରି ପାଣା ବେଟାଆହାନା ମାହାପୁରୁଇଁ ନିୟା କିଅରି □

୨

କୁଲମିତା ପାଣାପାପୁ

୧ ଇଦାଆଁତାକି ନା ବାଡିମାଲିନାୟି ମାହାପୁରୁଇଁ ଜହରା କିନି ବେଲାତା, ଦେସାତି ପାଣାଗାଗାରି,

୨ ଏଦାଆଁତାକି ବାରେ ଲକୁତାକି ରାଜାୟା ସାଲୁଝି କିନାରି, ବାରେତାକି ପ୍ରାତାନା, ଗହାରା ଅଡେ ଜହରା କିଦୁ, ମାର ଏନିକି ମାହାପୁରୁ ଆଜିତଲେ କିଲିବିଲି ଆଆନା ତୟିନାୟି ଅଡେ ଏଚକା ଲକୁ ତାଣା ନେହଁ ମାଣ୍ଡକି ମାଞ୍ଜାନା ସୁକୁ ଅଡେ ହିଡ଼ି ତଲେ ନୀତାଲି ଆଡ଼ିନାୟି □

୩ ଇଲେତି ପ୍ରାତାନା ମା ଗେଲପାନି ମାହାପୁରୁ ନକିତା ଲଡ଼ା ଆନାୟି ଅଡେ ଅପିନାୟି ଆନେ □

୪ ବାରେଜାଣା ଏନ୍ଦିକିଁ ଗେଲ୍ପିଆନାଣି ଅଡ଼େ ସାତାତି ବୁଦି ବେଟାଆନେରି ଇଞ୍ଜିଁ ଏଞ୍ଜାସି ଅଣ୍ପି ମାନେସି □

୫ ଇଚିହଁ ରଣ୍ଡିଏ ମାହାପୁରୁ ମାନେସି, ଅଡ଼େ ମାହାପୁରୁ ଇଞ୍ଜା ମାଣ୍ଡିୟାଁ, ମାଦିତି ମାଣ୍ଡି ରଅସିଏ ମାନେସି, ଏଞ୍ଜାସି ଜୀସୁ କ୍ରୀସ୍ତ, ର ମାଣ୍ଡିସି □

୬ ଏଞ୍ଜାସି ମାଣ୍ଡିଇଁ ଗେଲ୍ପାଲିତାକି ତାନୁଏ ହେରପି ଆଡ଼େସି, ଇଦାଆଁତାକି ସମାନା ବେଲାତା ତଞ୍ଜାଆହାନା, ମାହାପୁରୁ ବାରେ ମାଣ୍ଡିୟାଁଇଁ ଗେଲ୍ପାଲି ଅଣ୍ପି ମାନେସି ଇଦାଆଁ ସାକି ହୀହାମାନେସି □

୭ ✧ଏଦାଆଁତାକି ନାନୁ ର ନେହଁ କାରୁ ଝେକନାତେଏଁ, ପାଣ୍ଡି ଆହାମାନାତେଏଁ, ଇଞ୍ଜା ନାମୁ ଅଡ଼େ ସାତାତା ଏଟକା କୃଡ଼ାତି ଲକୁ ତାଣା ଜାପ୍ନାତେଏଁ ଆୟାଲି ମାହାପୁରୁ ନାଞ୍ଜେ ଆଡ଼ାମାଞ୍ଜାତେସି, ନାନୁ ସାତା ଝେସିମାଞ୍ଜାଇଁ ନାନୁ ମିଚି ଝେସିମାଞ୍ଜାଅଁ □

୮ ଏଦାଆଁତାକି ନା ଅଣ୍ପୁ ବାରେଜାଣା ଆବାୟାଁ କୃଡ଼ା ଆନାଟି, ସୁନୁ ଅଣ୍ପୁ ତଲେ କେସ୍ତା ପେରହାନା, କପା ଇଞ୍ଜା ତାହାରା ଆଆନା, ପ୍ରାଡ଼ାନା କିପାରି □

୯ ✧ଏଲେକିହଁଏ ଇୟାସିକା ଜିକେଏ ତାୟଁ ଅଜି କିହାନା, ଅଡ଼େ ବାଂଗାରା ସାଜୁ ତୁରଆନା, କି ଦାରାଗାଟି ହିମ୍ବୁରିକା ତଲେ ତାମ୍ବୁ ତାମ୍ବୁଜେ ଅଜି କିହାକତାଆନା, ମାନି ଅଡ଼େ ନେହଁ ବୁଦିତଲେ ଡଣା ଦାରାତି ହିମ୍ବୁରିକା ହୁଚାନା,

୧୦ ଦାମ୍ବୁଗାଟି ଇୟାସିକା ରାହଁ ଅଣ୍ପୁଟି ନେହଁ କାମାତି ଅଜୁତା ତାମ୍ବୁ ତାମ୍ବୁଜେ ଅଜି କିହା କତାପୁ □

୧୧ ଇୟାସିକା ପାଲେଏ ମାଞ୍ଜାନା ସୁଦୁଗାଟି ଅଣ୍ପୁ ତଲେ ଜାପାପୁ □

୧୨ ନାନୁ ଇୟାସିକାଣି ଜାପ୍ହାଲି କି ଆବାୟାଁ ମୁହେଁ ସାଲ୍ଡି କିହାଲି ହେଲ ହାହି ହିଲଅଁ, ସାମା ଏଞ୍ଜି ପାଲେଏ ମାନାପୁ □

୧୩ ଏନ୍ଦିଇଚିହଁ ମାହାପୁରୁ ନକେଏ ଆଦମଇଁ ଗାଡ଼ିକିତେସି ଅଡ଼େ ତାୟୁ ହବାଇଁ

୧୪ ଅତେ ଆଦମ ନାଡ଼ିକିଞ୍ଚି ଆହା ହିଲାଆତେସି, ସାମା ଇୟା ନାଡ଼ିକିଞ୍ଚି ଆହାନା ମାହାପୁରୁତି ମେରାଟି ଦହ ଗାଟାୟି ଆଡେ;

୧୫ ସାମା ଇୟାସିକା ତାମ୍ବେ ଉଣା କିହାଁ କତାନା ନାମୁତଲେ ଜୀଞ୍ଚୁ ନଡ଼ିଆହାନା, ସୁଦୁଜୀଞ୍ଚୁ ତଲେ ମାଞ୍ଜାନା କକାରି ପଦାଁ ଜାନ କିହାନା ଗେଲପି ଆନୁ □

୩

କୁଲମିତି କାଜାରି

୧ ଇ କାତା ସାତା, ଆମ୍ବାଆସି କ୍ରୀସ୍ତାନା କୁଲମିତି ଜାତନ୍ କିନି ପାଣା ବେଟାଆହାଲି ଅଣ୍ପିମାଟିସାରେ, ଏଞ୍ଚାସି ନେହଁ କାମା କିଇଁ ଇଞ୍ଚି ଅଣ୍ପିନେସି □

୨ ଇଦାଆଁତାକି କୁଲମିତି କାଜାସି ଦହ ହିଲାଆଗାଟାସି ଆନାୟି ମାନେ, ରଣ୍ଡିଏ ତକ୍ତିନି ତକ୍ତା, ଚିକାଣାତାସି, ନେହଁ ଅଣ୍ପୁ ଗାଟାସି, ପୁନାଆତି ଗତାୟାଣି ସେବା କିନାସି, ଅଡେ ନେହଁ କି ଜାପ୍ନାସି ଆନାୟି ମାନେ □

୩ ଅଡେ କାଡ଼ ଗୁହନାସି କି ଗଡ଼ହା କିନାସି ଆଆନା, ସୁଦୁ ସୁଞ୍ଜାଲା, କପା ଇଟାଆଗାଟାସି, ଅଡେ ଦନ ଜୁପକା ଗାଟାସି ଆଆୟି ମାନେ,

୪ ଏଞ୍ଚାସି ତାନି ଇଲୁ କୁଟମିତି ନେହଁ କି ସାଲଞ୍ଚି କିନାସି, ଅଡେ କକାରି ପଦାଁଣି ତୀରପୁତଲେ ଜାତନ୍ କିନାୟିମାନେ □

୫ ଆମ୍ବାଆସି ତାନି ଇଲୁ କୁଟମିତି ନେହଁ କି ଜାତନ୍ କିହାଲି ଆଡ଼ଅସି, ଏଞ୍ଚାସି ଏନିକି ମାହାପୁରୁ କୁଲମିତି ଜାତନ୍ କିନେସି ?

୬ ଏଞ୍ଚାସି ପୁଃନି ନାମିତାସି ଆଆୟି ମାନେ, ଇଚିହଁ ଏଡେତା ପାଟେ ନାନୁ କାଜାତେଏଁ ଇଞ୍ଚି ବଡପଣ ଆହାନା, ସୟତାନ ତଣ୍ଡ ପାଣିଲେହେଁ ତଣ୍ଡ ବେଟା ଆନେସି □

୭ ଅଡେ ଏଞ୍ଚାସି ନାମାଆଗାଟାରି ତାଣାଟି ଜିକେଏ ମାନ୍ଦି ବେଟାଆନାୟି ମାନେ, ଆଆତ୍ ଲାଜା ବେଟାଆହାନା ସୟତାନ ପାଦାତା ହେରନେସି □

କୁଲମିତି ସାୟେମି କିନାରି

୮ ଏଲେକିହିଁଏ କୁଲମିତି ସେବା କିନାରି ନେହିଁ ଅଣ୍ଟପୁ ତଲେ ନାମୁତା ଡଗୁମାନାଣି ଆସାନା ତୀରିତଲେ ମାଞ୍ଜାନା ନାଡ଼ି କିନାସି ଆଆପେସି,

୯ କାଡ଼ୁଗସିହିଁ ଡ଼ୟିନାସି, ଉଜେଏତି ଦନତି ଜୁପକା ଆଆୟି ମାନେ

୧୦ ଏଞ୍ଜାରି ସେବା ପାଣା ପୁଞ୍ଜଆ ନକେଏ ଏଞ୍ଜାରି ତାୟିପାରି କିଞ୍ଜିଆପାରି, ଅଡ଼େ ଏଞ୍ଜାରିତାଣା ଏନି ଦହ୍ ତଞ୍ଜା ଆଆତିହିଁ, କୁଲମିତି ସାୟେମି କିନାରି ଆପେରି □

୧୧ ଏଲେକିହିଁଏ ଏଞ୍ଜାରି ଡକ୍ରିସିକା ଜିକେଏ ନେହିଁ ଗୁଣୁ ଗାଟାକ* ଆହାନା ସାକ୍ତି ହିଲୀଆଗାଟାକ ଆହାନା ତୀରପୁ, ପାଲେଏ ମାଞ୍ଜାନା ବାରେ କାମା ଟିକାଣା ତଲେ କିପୁ □

୧୨ ସେବା କିନାରି ରଣ୍ଡିଏ ଡକ୍ରିତି† ଡକ୍ରିଆପେରି, ଅଡ଼େ ଏଞ୍ଜାରି ତାମି କକାରି ପଦାୟିଣି ଅଡ଼େ ତାମି ଇଲୁ କୁଟମିତି ନେହିଁକଁ ସାଲୁଞ୍ଜି କିପେରି □

୧୩ ଇତିହିଁ ଆମିନି ଗାଟାରି ନେହିଁକଁ ସେବା କାମା କିହାମାନେରି, ଏଞ୍ଜାରି କୁଲମିତା ମାନିଗାଟାରି ଇଞ୍ଜିଁ ଝେଜିନେରି ଅଡ଼େ ଜ୍ରୀସୁ ଜୀସୁ ତାଣା ନାମୁତା ହାରେକା ସାସା ବେଟାଆନେରି □

ଡଗୁମାନି କାଜା କାତା

୧୪ ଇ ଆକୁ ରାଡ଼ିନି ବେଲାତା, ନାନୁ ନୀ ତାଣା ତବେ ଝାହାଲି ଆସା କିହିମାଲ;

୧୫ ସାମା ନା ଝାନାୟି ଝେଡ଼ା ଆତିହିଁ, ମାହାପୁରୁ ଇଲୁ କୁଟମିତା ଇତିହିଁ ସାତାତି ମୁଣ୍ଡା ଅଡ଼େ ପୁନାଦି ଲେହେଁ ଜୀଞ୍ଜୁତି ମାହାପୁରୁ କୁଲମିତା, ଏନି ମାଣ୍ଡକିତା ମାନାୟି ମାନେ, ଏଦାଆଁ ନାନୁ ଏନିକଁ ପୁଞ୍ଜାଲି ଆଡ଼ିଦି, ଇଦାଆଁତାକି ଇ ବାରେ କାତା ନାନୁ ରାଡ଼ିମାଞ୍ଜାଲ୍ □

୧୬ ମାହାପୁରୁ ଦାମ୍ପୁତି ବାରେ କାତା ହାରେକା କାଜାୟି, ଇଦାଆଁ ବାରେ ଲକୁ ଝେକ୍ନେରି □ ଏଦି ଇଦି,

ଜ୍ରୀସୁ ମାଣ୍ଡସି ଝାଣା ଆହାନା ତଞ୍ଜାଆଡ଼େସି,

ସୁଦୁଜୀଞ୍ଜୁତା ଦାମ୍ପୁଗାଟାସି ଇଞ୍ଜିଁ ଝେଜିଡ଼େସି,

* ୩:୧୧ ୩:୧୧ ଇୟାସିକା ସେବା କିନାଲ † ୩:୧୭ ୩:୧୭ ରଣ୍ଡିଏ ବାହା ଡକ୍ରି

ଦୂରୁୟାଁ ତଲେ ତଞ୍ଜାଆଡେସି,
 ଏଟକା ଲକ୍ଷ୍ମୀତାଣା ଝେଙ୍ଗିତେସି,
 ଦାରୁତିତା ନାମୁଗାଟାସି ଆଡେସି,
 ଇଞ୍ଜା ମାହାପୁରୁ ଗାଝୁରମି ତଲେ ଲାକପୁରୁ ଅଝିଆଡେସି □

୪

ମିତି ଜାପୁନାରି

^୧ ସୁଦୁଜାଝୁ ତୀରିତଲେ ଝେସିମାଞ୍ଜାନେ, ଜୁଗୁ ରାନ୍ତି ବେଲାତା
 ଏଟେକା ଲକ୍ଷ୍ମୀ ଲାଗେଏତି ନାଡ଼ିକିନି ଜାପୁନି ତାଣାଟି କୁଲମିତି ନାମୁଟି
 ହେକ ଆଡେରି,

^୨ ଏଝାରି ଏତରଜାଣା ନାଡ଼ିକିନାରି, ଏଝାରି ଅଣପୁ ହାଡାୟି,

^୩ ଏଝାରି ବାହା କିନାୟି ଅଡେ ଏନ୍ତି ଏନ୍ତି କାଡ଼ି ତିନାୟି ଇଞ୍ଜା
 ନେହେଁ ଆଏ ଇଞ୍ଜିମାନେରି □ ସାମା ଆମିନି କ୍ରୀସୁଇଁ ନାମିତ ଲକ୍ଷ୍ମୀ
 ସାତାଡ଼ି ପୁଞ୍ଜାମାନେରି, ଏଝାରି ମାହାପୁରୁ ଗାଡ଼ିକିତି ବାରେ କାଡ଼ି
 ତାକି ଏଝାଣାଇଁ ଜହରା କିହାନା ଏଡ଼ି ନେହାୟି ଇଞ୍ଜା ତିଞ୍ଜାଲି
 ଆଡ଼ିନେରି □

^୪ ଇଚିହଁ ମାହାପୁରୁ ଗାଡ଼ିକିତି ଆସ୍ତି ବାରେ ନେହାୟି, ଇଞ୍ଜା
 ମାହାପୁରୁଇଁ ଜହରା କିତିସାରେ ଏନାୟି ଜିକେଏ ତିନାଆଗାଟାୟି
 ଆଏ □

^୫ ଏନାଆଁତାକି ଇଚିହଁ ମାହାପୁରୁତି ବଲୁ ଅଡେ ପ୍ରାତାନା ତଲେ
 ଏଡାଆଁ ସୁଦୁ କିଝିଆଡେନ □

ଜୀସୁ କ୍ରୀସୁତି ନେହଁ ସେବା କିନାସି

^୬ ଇ ବାରେ କାତା ମୀରୁ ତାୟି ତାଙ୍ଗିଇଁ ଜାପୁସିସାରେ କ୍ରୀସୁ
 ଜୀସୁତି ର ନେହଁ ସେବା କିନାତେରି ଆଡେରି, ଇଞ୍ଜା ମୀରୁ ଆମିନି
 ନାମୁ ଅଡେ ନେହଁ କାତା ଆସାମାଞ୍ଜେରି, ଏଲେତି ବଲୁ ତଲେ
 ପାତା ଆଡେରି;

^୭ ସାମା ଉଜେଏ ଝେହ୍ନି କାତାୟାଁ ଝେନାଆନି, ମାହାପୁରୁଇଁ
 ଆଜାନା ନୀତାମାଞ୍ଜାଲି ଜାପାମୁ,

୮ ଇଚିହଁ ଆଜ୍ଞାତି ପାତି କିନାୟି ଗାଡ଼େକା ତାକି ଲାବା ଆନେ, ସାମା ମାହାପୁରୁଇଁ ଆଜିନାୟି ଇ କାଲ୍ଲାତା ଅଡ଼େ ଝାହିମାନି କାଲ୍ଲାତି ଜୀଝୁତାକି ମାହାପୁରୁ ଆଜ୍ଞାମାନି ଲାବାଗାଟାୟି ଆନେ □

୯ ଇ କାତା ନାମିନାୟି ଅଡ଼େ ବାରେ ଲକୁ ଅପିନାୟି □

୧୦ ଇଦାଆଁ ତାକି ମାର ମନ ହୀହାନା ଝାହୁ ତଲେ ଜୀଝୁ ତୁସାନା କାମା କିହିମାନାୟି, ଏଦାଆଁତାକି ଇଚିହଁ ଆମିନି ଜୀଝୁଗାଟି ମାହାପୁରୁ ବାରେ ମାଣସିଇଁ ଇଚିହଁ ନାମିନାରାଇଁ ଗେଲ୍ପିନାସି, ତାନି ତାଣା ମା ବାସୁ ମାନେ □

୧୧ ନାନୁ ଇ ବାରେ କାତା ହୁକୁମି ହୀହାନା ଜାପୁମୁ □

୧୨ ନୀ ଦାଂଗଣା ବେଲାତି ଆମ୍ବାଆସି ହୀଣି କିୟାଆପେସି, ସାମା ନୀ କାତାତା, ନୀ ଲେମ୍ବିନି ତାଣା, ନୀ ଜୀଝୁ ନନି ତାଣା, ନୀ ନାମୁତା, ଇଞ୍ଜା ନୀ ସୁଦୁତା, ନାମିନାରାକି ନାନୁ ନେହଁ ତହୁନାତି ଆମୁ □

୧୩ ନାନୁ ନୀ ତାଣା ଝାଆ ପାତେକା ନାନୁ ଦାମ୍ବୁ ପତିଇଁ ପଡ଼ଝି ଆହାନା, ମାହାପୁରୁ କାତା ଝେକ୍ମୁ, ଇଞ୍ଜା ଜାପୁନି ତାଣା ମନ ହୀହାନା ମାନାମୁ □

୧୪ ମାହାପୁରୁ ବଲୁ ଝେକ୍ହା ମାଞ୍ଜାନି କୁଲମିତି କାଜାରି ନୀ ତାୟଁ ତୁା କେସ୍ଲା ଇଟାନା ନିଙ୍ଗେ କାର୍ମାତି ଦାନା ହୀହାମାଞ୍ଜାନେରି, ଏଦାଆଁ ହେଲା କିଆନି □

୧୫ ନୀ ପାତା ଆହିମାନାୟି ଏନିକଁ ବାରେ ଲକୁ ନକିତା ତଞ୍ଜାଆନେ, ଏଦାଆଁତାକି ଇ ବାରେ କାତାତା ମନ ହୀହାନା ଏ ବାରେ କିହେମାନାମୁ □

୧୬ ନିଙ୍ଗ ତାକି ଅଡ଼େ ନୀ ଜାପୁନାଣି ତାକି ଜାଗ୍ରାତା ଆମୁ, ଇ ବାରେ କାମା କିହଁ ମାନାମୁ, ଇଚିହଁ ଏଦାଆଁ କିତିସାରେ ନାନୁ ନୀ ଗେଲ୍ପିନାଣି ଅଡ଼େ ନୀ କାତା ଝେଞ୍ଜି ମାନାରାଇଁ ଜିକେଏ ଗେଲ୍ପିଦି □



ନାମିନି ଲକୁତି ଦାୟିପତି

୧ ବୁଢ଼ହା ଲକ୍ଷ୍ମଣୀ ଲାଗାଆନି, ସାମା ଏଞ୍ଜଣାଲ୍ ଆବା ଇଞ୍ଜି ଅଣ୍ଠାପାନା ଲେମ୍ବାମ୍; ଅଡ଼େ ଦାଂଗଣା କକାରାଲ୍ ତାୟିଲେହେଁ ମେହ୍ମ୍,

୨ ବୁଢ଼ହି ଇୟାସିକାଣି ତାଲି ଇଞ୍ଜିହ୍ ଅଡ଼େ ଡ଼ାଆସିକାଣି ସୁଦୁ ମନତଲେ ତାଜିସ୍ତା ଇଞ୍ଜିହ୍ ଅଣ୍ଠାପାନା ଏଲେକ୍ ସିନିକିମ୍

୩ ଏନାଆଁ ହିଲାଆଗାଟି ରାଣ୍ଡେଣି ଇୟାସିକାଣି ମାନି କିମ୍

୪ ସାମା ଆମିନି ରାଣ୍ଡେଣି ଇୟା କି ମୀରକା ମାସ୍‌କାକି ତାଙ୍ଗା ମୀରକା ମାସ୍‌କା ମାଟିହ୍, ଏଞ୍ଜି ନକେଏ ତାମି ଇଲୁ କୁଟମି ତାରାଲ୍ ମାନି କିହାଲି ଲକ୍‌ନାୟି ମାନେ, ତାଲି ତାଞ୍ଜିଲ୍ ନେହ୍ କିହାଲି ଜାପାପୁ; ଏନିଇଟିହ୍ ଇଦି ମାହାପୁରୁ ନକିତା ନେହାୟି

୫ ଆମିନି ରାଣ୍ଡେଣି ଇୟା ରଣ୍ଡିଏ ମାନେ ଅଡ଼େ ଆମ୍ବାଆରି ଜାଡ଼ନ୍ଦୁ ଅନାରି ହିଲଅରି ଏଞ୍ଜି ମାହାପୁରୁ ତାଣା ବାସ୍ତୁ ଇଟାନା ଲାଆଁ ମାଦେନା ବାତିମାଲିହ୍ କାରେଏ ପ୍ରାତାନା କିପୁ;

୬ ସାମା ଆମ୍ବାଆୟି ଆଙ୍ଗାତି ରାହାଁତା ମୁଞ୍ଜାନା ତୁୟିନି ରାଣ୍ଡେଣିସିକା ଏଞ୍ଜି ଜୀଞ୍ଜୁତଲେ ମାଟିହ୍ ଜିକେଏ ହାଡ଼ି ଲେହେଁତାଲ

୭ ଏଞ୍ଜି ଏନିକ୍ ଦହ୍ ହିଲାଆଗାଟାଲ ଆନୁ, ଇଦାଆଁତାକି ଇ ବାରେ କାତା ଜିକେଏ ଜାପ୍‌ମ୍

୮ ସାମା ଆମ୍ବାଆସି ତାନି ପାଡ଼ିତି ଲକୁ ଅଡ଼େ ତାମି ଇଲୁ କୁଟମିତି ଲକୁଣି କେର୍ଅସି, ଏଞ୍ଜିସି ନାମୁତି କାତାଲ୍ ଆବାହିଲଅସି, ଇଞ୍ଜା ଏଞ୍ଜିସି ନାମାଆଗାଟାଣି କିହାଁ ହାରେକା ଲାଗେଏ ଆନେସି

୯ ଆମିନି ରାଣ୍ଡେଣି ତାନିକଡ଼ି ବାର୍ଯ୍ୟାଟିଏ ଉଣା ଆଏ, ଅଡ଼େ ରଣ୍ଡିଏ ଡକ୍‌ଲ୍ ବାହା ଆହାମାନେ, ଏଞ୍ଜିସିକା ଦରୁ ରାଡ଼ାମ୍,

୧୦ ଅଡ଼େ ନେହ୍ କାମାତାକି ଝେଙ୍ଗାମାନେ, ଅଡ଼େ ଏଦି ମୀରକା ମାସ୍‌କାଣି ପହିପାଡ଼ି କିହାନା, ପାଡ଼ିତି ଗତାୟାଣି ସେବା କିହିମାନେ, ମାହାପୁରୁ ଲକୁତି କତାୟାଁ ନରହା ମାନେ, ଦୁକୁ ଗାଟାରାଲ୍ ଦୁକୁ ତୁକ୍‌ହିମାନେ, ଅଡ଼େ ବାରେ ନେହ୍ କାମା କିହାଲି ରାହାଁ ଆହିମାନେ, ଆତିହ୍ ଏଦାନି ଦରୁ ରାଣ୍ଡେଣିସିକା ଆକୁତା ରାସ୍‌କି ଆପେ

୧୧ ସାମା ତାଆ ରାଣ୍ଡେଣିସିକା ଦରୁ ରାଚାଆନି, ଇଚିହିଁ ଏଢ଼ି ଆଙ୍ଗାତି ରାହାଁତା ଜୁଫକା ଆହାନା କ୍ରୀସ୍ତ ତାଣାଟି ଏଟକା ଆହାନା ବୀହା ଆୟାଲି ମନ କିନୁ;

୧୨ ଏଢ଼ି ତାନି ତଲିତି ଆଞ୍ଜାମାଚାଣି ମାନି କିହାହିଲାଆକି, ଡଣ୍ଡ ଗାଟାଇ ଆନୁ,

୧୩ ଅଡ଼େ ଜିକେଏ ଏଢ଼ି ଇଲୁତାକି ଇଲୁ ରେଜିହିଁ ନିସ୍ତା ଆହାଲି ଜାଫୁନୁ, ଅଡ଼େ ଝାରଇ ନିସ୍ତା ଆଏ, ସାମା ଲାଗେଏ ପଲେଏତି ପୁସ୍ତପନିକା, ଅଡ଼େ ସାକ୍ତି ଜଲାଇ ଜାଫାନା ଉଜେ ଉଜେଏତି ଲଡ଼ାହିଲାଆ କାତାୟାଁ ବାସାଁ ଆନୁ □

୧୪ ଇଦାଆଁତାକି ନା ଅଣ୍ଡପୁ ତାଆ ରାଣ୍ଡେଣିସିକା ବୀହା ଆପୁ, କକାରି ପଦାଁ ଆପୁ, ଇଲୁ କୁଟନିତି ଲେମ୍ବାପୁ, ଇଞ୍ଜା ନିଦା କିହାଲି ସାତୁୟାକି ଏନି ପାରୁ ହୀଆପୁ;

୧୫ ଇଚିହିଁ ନୀସାଁ ଜିକେଏ ଆମ୍ବା ଆମ୍ବାଆୟି କ୍ରୀସ୍ତ ତାଣାଟି ହେକ ଆହାନା ସୟତାନତି କେଟ ହାଜାମାନୁ □

୧୬ ଅଡ଼େ ଆନିନି ନାମାମାନି ଇୟାସିକା ଇଜ ରାଣ୍ଡେଣିସିକା ମାଚିହିଁ, ଆଚିହିଁ ଏଢ଼ି ଏଞ୍ଜାସିକା ଜାଡ଼ନୁ ଅପୁ, ଅଡ଼େ କୁଲମିତାକି ବଜୁ କିଆପୁ, ଏନିକାଁ କୁଲମି ଏନାଆଁ ହିଲାଆଗାଟି ରାଣ୍ଡେଣିସିକାଣି ଜାଡ଼ନୁ ଅନେ □

୧୭ ଆନିନି ପ୍ରାଚିନାଙ୍ଗା କୁଲମିତି ନେହିଁକାଁ ଜାଡ଼ନୁ କିନେରି, ବାରେକିହାଁ ଆନିନି ଗାଟାରି ବଲୁ ଝେକହାଲି, ଅଡ଼େ ଜାଫୁହାଲି ଝାହୁ ତଲେ କାମା କିନେରି, ଏଞ୍ଜାରି ରୀ ଗୁଣୁ ମାନି ବେଟାଆନି ଜରେ □

୧୮ *ଦାମ୍ବୁ ପତିତା ରାସ୍ତି ଆହାମାନେ, “ନପୁଁନି କଡ଼ି ମୂଡ଼ିତା କତ୍ରା ଦହୁଆନି” ଅଡ଼େ “କାମାକିନାସି ତାନି କାମାତି ପାଡ଼େୟି ବେଟାଆନାୟି ମାନେ □”

୧୯ ରିଆରି କି ତାନି ଜାଣା ସାକ୍ତିୟାଁ ହିଲାଆନା ଆନିନି ପ୍ରାଚିନା କପାଟି ଏନି କାତା ଝେସ୍ତାତିହିଁ ଆହୁଆନି □

୨୦ ଆନିନି ଗାଟାରି ଦହୁ କିନେରି, ଏଞ୍ଜାରାଇଁ ବାରେ ଲକୁ ନକିତା ଲାଗାମୁ, ଏନିକାଁ ଏଦାଆଁ ମେସାନା ଏଟକାତି ଲକୁ ଆଜିନେରି □

୨୧ ନାନୁ ମାହାପୁରୁ, ନକିତା ଅଡ଼େ କ୍ରୀସ୍ତ ଜୀସୁ ନକିତା ଅଡ଼େ ମାହାପୁରୁ ଆଡ଼ିତି ଦୁଡ଼ୁୟାଁ ନକିତା ଜାଣେ ହୁକୁମି ହୀହିମାଞ୍ଜାଇଁ ନାନୁ ତଲିତିଲେହେଁ ଆଆନା ଇ ବାରେ ମାନୁଞ୍ଜି ଆମ୍ଭ, ଅଡ଼େ ଆମ୍ଭାଆରାଇ ପାରଡ଼ା କିଆନା ଇ ବାରେ କାମା କିମ୍ପୁ □

୨୨ ଦାଗା ଆହାନା କେୟୁ ଇଟାହାଁ ମାହାପୁରୁତି ସେବା କାମାତାକି ଆମ୍ଭାଆରାଇଁ ଜିକେଏ ଆଟ୍‌ଆନି □ ଏଟ୍‌କା ଲକୁତି ପାପୁତା ଜାହାରାଇଁ ଆଟ୍‌ଆନି □ ନାନୁ ଜାହାରାଇଁ ସୁଦୁ କିହାକତାମ୍ପୁ □

୨୩ ନୀ ବାଣ୍ଡି ଆଗି ହିଲାଆକି ଅଡ଼େ ନୀ ଆଙ୍ଗାତା ଅଲେ ଅଲେ ରଗ ଆହିମାନାକି ଖାରଇ ଏୟୁ ଗହ୍‌ଆନି ଅଙ୍ଗୁରି ରାସା ଇଚରା ଲାକା ଗହ୍‌ମ୍ପୁ □

୨୪ ଏଚରଜାଣାତି ପାପୁ ନୀହାଁୟି କିଆ ନକେଏ, ତଞ୍ଜାଆନେ, ଅଡ଼େ ଏଚରଜାଣାତି ପାପୁ ତାୟୁ ତଞ୍ଜାଆନେ □

୨୫ ଏଲେକିହୁଁଏ ସାତା କାମା ତଲିଏ ତଞ୍ଜାଆନେ, ଅଡ଼େ ଏନା ଏନାୟି ତଞ୍ଜା ଆଏ, ଏଡ଼ି ତରୁନା ତୟାଲି ଆଡ଼େଏ □



୧ ଏମିନି ଲକୁ ହଲିୟାଙ୍ଗା ଜୁଞ୍ଜେଡ଼ିତା ହେରୁଞ୍ଜାମାନେରି, ଏଞ୍ଜାରି ତାମି ସାଞ୍ଜୁକାରିୟାଁଇଁ ନେହୁଁକିଁ ମାନି ବେଟାଆନାରି ଇଞ୍ଜୁଁ ଅଣ୍‌ପାପେରି, ଏନିକିଁ ମାହାପୁରୁ ଦରୁ ଅଡ଼େ ଜାପୁନି ତାଣାଟି ନିନ୍ଦା ଆଏ □

୨ ଅଡ଼େ ଆମିନି ଗାଟାରି ସାଞ୍ଜୁକାରିୟାଁ କ୍ରୀସ୍ତାନା ଆହାମାନେରି, ଏଞ୍ଜାରି ଏଞ୍ଜାରାଇଁ ମା ତାୟି ଇଞ୍ଜୁଁ ଅଣ୍‌ପାନା ହୀଣି କିଆପେରି, ସାମା ହାଟ୍‌ରେକା ଜାଡ଼ୁ ତଲେ ଏଞ୍ଜାରି ସେବା କିପାରି, ଇଚିହୁଁ ଆମିନି ଗାଟାରି କାମା ତଲେ ଲାଦା ବେଟାଆନେରି, ଏଞ୍ଜାରି ନାମିନାରି ଅଡ଼େ ମା ଜୀଞ୍ଜୁ ନନାରି, ଇ ବାରେ କାତା ଜାପୁହାନା ଖେହ୍‌ମ୍ପୁ □

ମିତି ଜାପୁନାୟି ଅଡ଼େ ସାତା ଦନ

୩ ଆମ୍ଭାଆସି ଅର ରଲେତି କାତା ଜାପୁହାନା ମା ପ୍ରବୁ ଜୀସୁ କ୍ରୀସ୍ତତି ନେହୁଁ ବଲୁ ଅଡ଼େ ମାହାପୁରୁ ଆଜିନି କାତାତି ଜାପୁନାଣି ଆହୁଅସି,

୪ ଆତିହ୍ନି ଏଞ୍ଜାସି ଲାଗେଏତି ବଡ଼ପଣ ଗାଟାସି, ବୁଦି ହିଲାଆଗାଟାସି, ବାଦିବାଦା, ଅଡ଼େ ଗଡ଼ହା କିନିତାଣା ମୁଞ୍ଜାମାନେସି; ଏମ୍ବାଟିଏ ତାହାରା, ଗଡ଼ହା, ରଅଣାଲ୍ ଉଜେଏ ନିୟା କିନାୟି, ଲାଗେଏ ଆନାମାନା ଆନାୟି ହନେ,

୫ ଇଞ୍ଜା ବୁଦି ହିଲାଆ ଗାଟାରି ଅଡ଼େ ସାତାତି ପିସା ମାନାରି ବିତ୍ତା କାଲେଏ ବାଦିବାଦା ହନେ, ଇତିହ୍ନି ମାହାପୁରୁଲ୍ ଆଜିନାୟି ଏଡ଼ି ଲାବା ବେଟାଆନି ଜିରୁ ଇଞ୍ଜି ଏଞ୍ଜାରି ଅଣ୍ପିନେରି □

୬ ମାହାପୁରୁଲ୍ ଆଜାନା, ନୀତିନାୟି ନେହେଁ ଆଡ଼ିସାରେ ସାତେଏ ଏଡ଼ି ଲାବାଗାଟାୟି;

୭ ଏନାଆଁତାକି ଇତିହ୍ନି ମାର ଦାରୁତିତା ଏନାଆଁ ତାତା ହିଲାଆୟି, ଅଡ଼େ ଇ ଦାରୁତିତି ଏନାଆଁ ଅହାଲି ଆଡ଼ାଆୟି;

୮ ଇଦାଆଁତାକି ବାଣ୍ଡିତି କାଦି ଆଜା ତାକି ହିମ୍ବରିକା ମାତିହ୍ନି ଇଚେକେଏ ସାରି □

୯ ସାମା ଆମ୍ବାଆରି ଗାଡ଼ି ବାଡ଼କାଲି ଅଣ୍ପିନେରି, ଏଞ୍ଜାରି ତାୟିପାରି କିନି ତାଣା ଅଡ଼େ ପାନ୍ଦାତା ହେରୁଞ୍ଜାନା, ଅଡ଼େ ବୁଦି ହିଲାଆଗାଟି ନାସାକିନି ଅଣ୍ପୁତି ପାନ୍ଦାତା ହେରୁନେରି, ଇ ବାରେ ମାଣସିଲ୍ ବୁଡ଼ଞ୍ଜି ଆନିଞ୍ଜାକି ଅଡ଼େ ନାସା ଆନିଞ୍ଜାକି ଅନେ □

୧୦ ଏନାଆଁତାକି ଇତିହ୍ନି ଦନତି ଜୁପକା ବାରେ ଲାଗେଏତି ମୁଲ୍ଲୁ; ଆମ୍ବା ଆମ୍ବାଆରି ଏମ୍ବାଆଁ ଜୁପକା ଆହାନା ଦାମ୍ବୁତି ନାମୁ ପିସାନା ଜିରୁ ବାଣା ଆହାମାନେରି, ଇଞ୍ଜା ହାରେକା ଦୁକୁଡଲେ ତାମି ହିୟାତା ଦୁକୁ କିହାମାନେରି □

ପାଞ୍ଜୁଲତି ରାପ୍ନି କାତା

୧୧ ସାମା ଏ ଡିମତି ନୀନୁ ର ମାହାପୁରୁ ଲକୁଡି, ନୀନୁ ଇ ବାରେ ତାଣାଟି ହେକ ଆହାନା ଦାମ୍ବୁ ଗାଟାତି, ମାହାପୁରୁଲ୍ ଆଜିନାୟି, ନାମିନାୟି, ଜୀଞ୍ଜୁନନାୟି, ସାସା, ଅରୁହିନାୟି, ଇ ବାରେ ନେହ୍ନି ଗୁଣ୍ଡୁତା ତାକାମୁ □

୧୨ ନାମୁତି ନେହ୍ନି ଜୁଜୁତା ଜୀଞ୍ଜୁ ଦୁସାନା ଜୁଜୁ କିମ୍ବୁ, କାଲାକାଲାତି ଜୀଞ୍ଜୁ ଆସାନା ଇଟାମୁ; ଏଦାଆଁତାକି ନୀନୁ ହାଟକି

ଆହାମାଞ୍ଜି ଅଡ଼େ ହାରେକା ସାକିୟାଁ ନକିତା ନେହଁ ସାକି
ହୀହାମାଞ୍ଜି □

୧୩ ☆ ବାରେତି ଜାଝୁହାନି ମାହାପୁରୁ ନକିତା, ଅଡ଼େ ପନ୍ତୁୟ ପିଲାତ
ନକିତା ନେହଁ ସାକି ହାନି କ୍ରୀସୁ ଜୀସୁ ନକିତା ନାନୁ ନିଙ୍ଗେ ହୁକୁମି
ହୀହିମାଞ୍ଜାଇଁ,

୧୪ ନାନୁ ମା ପୁରୁ ଜୀସୁ କ୍ରୀସୁତି ଖାନି ଦିନା ପାତେକା ଦାମ୍ବୁତି
ମେରା ମାନଖି ଆହାନା ଏନି ପାପୁ ଅଡ଼େ ନିନ୍ଦା ହିଲାଆଗାଗତି ଆହଁ
ଡ଼ୟାମୁ □

୧୫ ଏଞ୍ଜାସି ହାରେକା ନେହଁସି, ରଅସିଏ ବାରେକିହଁ କାଜା ସାଲଖି
କିନାସି, ଏଞ୍ଜାସିଏ ରାଜା କିହଁ ରାଜା ଅଡ଼େ ପୁରୁ କିହଁ ପୁରୁ,

୧୬ ଏଞ୍ଜାସିଏ ରଅସି ହାଆଗାଗାସି ଅଡ଼େ ମେସାଲି ଆଡ଼ାଆଗାଟି
ଉଜେଡ଼ିତା ମାନେସି, ଏରେଲାଞ୍ଜା ଏଞ୍ଜାଣାଇଁ ଆମ୍ବାଆସି
ମେସାହିଲଅସି କି ମେସାଲି ଆଡ଼ଅସି, ଏଞ୍ଜାସି ତୀରିକିତି ଦିନାତା
ଏଦାଆଁ ତହୁନେସି; କାଲାକାଲାତାକି ତାନି ସାମ୍ବୁନି ଅଡ଼େ
କାଜାପାଣା ତିଞ୍ଜା ଆପେ □ ଆମେନି □

୧୭ ଆମିନି ଗାଗାରି ଇ ଜୁଗୁତା ବାଡ଼କିତାରି, ଏଞ୍ଜାରି ଏନିକି
ଆଙ୍କାରା ଆଅରି ଅଡ଼େ କାରେଏ ଡ଼ୟାଆ ଦନ ଲାକ ବାସ୍ତୁ
ଇଟଅରି, ସାମା ଆମିନି ମାହାପୁରୁ ଏ ବାରେ ଲେମ୍ବାଲି ତାକି ମାଙ୍ଗେ
ଲଡ଼ାମାନାଣି ହିୟାନେସି, ଏଞ୍ଜାଣି ତାଣା ବାସ୍ତୁ ଇତିନେରି,

୧୮ ଅଡ଼େ ଏଟକା ଲକୁଡ଼ି ସାଢ଼ୟେମି କିହାନା ନେହଁ କାମା ତଲେ
ବାଡ଼କୁ ଗାଗାରି ଆନେରି ଅଡ଼େ କେୟୁ ଦେତାନା ଅଡ଼େ ରାହଁଟି ଦାନା
ହୀହାଲି ଅଣ୍ପିନେରି, ଏଦାଆଁତାକି ଏଞ୍ଜାରାଇଁ ହୁକୁମି ହୀମୁ;

୧୯ ଇଲେ କିତିସାରେ ଏଞ୍ଜାରି ତାମି ଖାହିମାନି ଜାଝୁତାକି ନେହଁ
ପୁନାଦି କିହାମାନେରି, ଏନିକି ଏଞ୍ଜାରି ସାତା ଜୀଝୁ ବେଟାଆନେରି
□

୨୦ ଏ ତିମତି, ନିଙ୍ଗେ ଏନା ଏନାୟି ହୀପୁକି ଆହାମାଞ୍ଜାନେ,
ଏଦାଆଁ ଜାଡ଼ନୁ କିହଁ ଇଟାମୁ; ଉଜେଏତି କାତାୟାଁ ଅଡ଼େ ସାତା
କାତାତି ବୁଦିତାଣି ବାସ୍ତୁ ଆନାରି ତାଣାଟି ହେକ ଆମୁ;

୨୧ ଆମ୍ବା ଆମ୍ବାଆରି ଏଦାଆଁ ପୁଞ୍ଜାନା ମାନଖି ଆଆନା ନାମୁତି ଜିରୁ

ବାଣୀ ଆହ୍ୱାନାନେରି □ କାର୍ଯ୍ୟାଳୟନାୟି ନୀ ତଲେ ମାଣ୍ଡେ □

ପୁସ୍ତକ ଶିକ୍ଷା

The New Testament the Kusaal language (Ghana)

copyright © 1996 Wycliffe Bible Translators, Inc.

Language: Kusaal (Kuvi)

Contributor: Wycliffe Bible Translators, Inc.

ପୁସ୍ତକ ଶିକ୍ଷା,

କୁସାଲ ପୁସ୍ତକ ଶିକ୍ଷା, 2020

The New Testament in Kuvi Language

The Word for the World International

All rights reserved.

2025-05-08

PDF generated using Haiola and XeLaTeX on 8 May 2025 from source files

dated 8 May 2025

c688c8bf-38ac-5c00-90bd-6e4eaa165a20